

清會典



漢書門類	二四三五
函號	一三七
架	一三
冊	二〇

內閣文庫	二四三五	漢書
函	一三七	
架	一三	
冊	二〇	

內閣文庫	番號	漢	2435
	冊數	20	( 11 )
	函號	295	5

五十四之九





欽定大清會典卷之五十四

禮部

祠祭清吏司

喪禮五

淺草文庫

凡民公溘逝之禮子截髮去冠緯夫人側室女子婦等去簪珥剪髮兄弟以下僕婢以上皆男去冠緯女去首飾設帷堂立喪主內喪主赴告於親戚僚友擇時進采棺木髮飾金花置寢室正中既歛設靈座陳奠凡五服之人皆成服喪主及諸子居苦次大功以下異室者各歸其家成服



後每朝夕奠肴饌午奠餅餌陳設執事族人咸  
齊集上食設饌如生時遇朔望則於朝奠具殷  
奠肴核加盛下日而發引前夕啟奠翼日以槨  
糞昇柩以靈車載魂帛陳鞍馬八匹儀從各以  
次前導棺覆以帷帷用青藍采綺昇夫六十四  
人前引以丹旛銘旌旗人用丹旛漢人用銘旌及殯所暫安  
每日設奠如前行初祭禮親族咸集設饌筵十  
有五席羊七楮帛四萬設衣冠爲尸祭畢焚之  
大功者至此易素服行大祭禮儀與初祭同期  
服者至此易素服百日致祭禮與初祭同喪主

以下咸薙髮五月而葬豫期行題主禮屆葬期  
先期祖奠至時昇柩如發引儀葬畢虞祭羊酒  
楮帛隨宜酌用祭畢卒哭守塋人四戶期年小  
祥再期大祥及三周悉詣塋域致祭羊楮饌筵  
各視前減半二十七月服闋迺釋服從吉○侯  
伯湫逝斂以朱棺發引陳鞍馬七匹初祭大祭  
皆用羊六楮帛侯三萬六千伯三萬二千饌筵  
侯十有三席但十有二席餘皆與公同  
凡一品官湫逝發引陳鞍馬六匹覆棺以銷金  
青藍色綺爲帷三月而葬守塋人二戶初祭大



祭楮帛二萬八千。羊五。饌筵十。餘與侯伯同。○  
 二品官之喪發引陳鞍馬五匹。初祭。大祭皆羊  
 四。饌筵八席。楮帛二萬四千。餘與一品官同。○  
 三品官之喪發引陳鞍馬四匹。覆棺以青藍雲  
 綺為帷。昇夫四十八人。守塋人一百。初祭。大祭  
 皆用楮帛二萬。饌筵六席。羊三。餘與二品官同。  
 ○四品官之喪發引陳鞍馬三匹。初祭。大祭皆  
 用楮帛一萬六千。饌筵五席。餘與三品官同。○  
 五品官之喪發引陳鞍馬二匹。初祭。大祭皆用  
 楮帛一萬二千。饌筵四席。羊二。餘與四品官同。

以上楨。案皆  
 聚以殊。紅。 ○六七八品官之喪。覆棺用青藍  
 素綺為帷。昇夫三十二人。守塋二人。初祭。大祭  
 皆用楮帛一萬。饌筵三席。餘與五品官同。○九  
 品官。及凡有頂帶官員之喪。覆棺用青絹。昇夫  
 二十四人。餘與八品官同。以上楨。案皆  
 飾以紅。雲。 ○兵民  
 發引。陳鞍馬一匹。覆棺以布。昇夫十有六人。楨  
 兩端飾以黑  
 中飾紅。雲。 祭用楮帛六千。饌筵二席。羊一。餘  
 與有頂帶官員同。○民公以下兵民以上。居喪  
 二十七月內。不燕會。不鼓樂。不娶妻。納妾。門戶  
 不換舊符。



凡服制有五曰斬衰三年曰齊衰杖期不杖期  
五月三月曰大功九月曰小功五月曰緦麻三  
月服之差等有八曰斬衰三年者子為父母子  
之妻同子為繼母父之慈母謂妻子無母父養  
母自初過房子為妻同庶子為適母為所生母  
庶子之妻同為人後者為所後父母為人後者  
之妻同女在室為父母已嫁被出而反在室者  
同適孫為祖父母及高曾祖父母承重適孫之  
妻同為人後者妻為夫妾為家長同○曰齊衰  
杖期者適子眾子為庶母謂父妾適子眾子之

妻同子為嫁母

謂親生母父

子為出母

謂親生

而後夫為妻

父母在

適孫祖在為祖母承重○

曰齊衰不杖期者祖為適孫父母為適長子及

眾子父母為適長子之妻父母為女在室者父

母為子為人後者繼母為長子眾子子為改嫁

繼母謂父妾

從子為伯叔父母及姑在

室者為已之親兄弟及姊妹在室者為親兄弟

之子及女在室者孫為祖父母孫女為祖父母

雖適人不降庶孫為生祖母

慈母養

母孫同女出嫁為

父母為人後者為其本生父母

任者解任上子



女在室及雖適人而無夫與子者為其兄弟姊妹及兄弟之子兄弟之女在室者女適人為兄弟之為父後者婦為夫親兄弟之子及女在室者妾為家長之父母妾為家長之正妻妾為家長之長子眾子與其所生子為同居繼父兩無大功以上親者○曰齊衰五月者為曾祖父母女孫雖適人不降○曰齊衰三月者為高祖父母女孫雖適人不降為繼父先同居今不同居者自來不同居者無服為同居繼父兩有大功以上親者○曰大功九月者祖為眾孫及孫女在室者祖

母為適孫眾孫及孫女在室者生祖母為庶孫慈養祖父母為眾子婦及女之已嫁者慈母養同婦伯叔父母為從子婦及兄弟之女已嫁者為人後者為其兄弟及姑姊妹在室者夫為人後其婦為夫本生父母為已之同堂兄弟及姑姊妹在室者為姑及姊妹之已嫁者為兄弟之子為人後者女出嫁為本宗伯叔父母及兄弟與兄弟之子為姑姊妹及兄弟之女在室者婦為夫之祖父母為夫之伯叔父母○曰小功五月者為伯叔祖父母謂祖之親兄弟為同堂伯叔父母謂父



之堂。為同堂姊妹之出嫁者。為再從兄弟。及再兄弟。為同堂姊妹之出嫁者。為再從兄弟。及再從姊妹。在室者。為同堂兄弟之子。及女在室者。為祖姑在室者。謂祖之親姊妹。為堂姑之在室者。謂父之堂姊妹。為兄弟之妻。祖為適孫之婦。為兄弟之孫。及兄弟之孫女。在室者。為外祖父母。為母之兄弟姊妹。為姊妹之子。及女之在室者。為人後者。為其姑。及姊妹之已嫁者。婦為夫兄弟之孫。及孫女在室者。婦為夫之姑。及夫之姊妹。在室出嫁。同。婦為夫之兄弟及夫兄弟之妻。婦為夫同堂兄弟之子。及女之在室者。女出嫁。為本宗姊妹之

出嫁者。為本宗堂兄弟及堂姊妹之在室者。○  
曰總麻三月者。祖為眾孫婦。曾祖父母為曾孫。曾孫女。高祖父母為元孫。元孫女。祖母為適孫。眾孫婦。為乳母。為曾伯叔祖父母。為族伯叔祖父母。為族伯叔父母。為族兄弟。及族姊妹。在室者。為曾祖姑。在室者。為族祖姑。及族姑。在室者。為兄弟之曾孫。及曾孫女。在室者。為兄弟之孫女。出嫁者。為同堂兄弟之孫。及孫女。在室者。為再從兄弟之子。及女在室者。為祖姑。謂禮之親姊妹。及堂姑。謂父之親姊妹。及已之再從姊妹。出嫁者。為同堂



兄弟之女出嫁者為父姊妹之子為母兄弟之子為母姊妹之子為妻之父母為壻為外孫及外孫女為兄弟孫之妻為同堂兄弟子之妻為同堂兄弟之妻婦為夫高曾祖父母為夫之伯叔祖父母及夫之祖姑在室者為夫之堂伯叔父母為夫之堂姑在室者為夫之同堂兄弟及同堂兄弟之妻為夫之同堂姊妹在室出為夫之再從兄弟之子及女在室者為夫同堂兄弟之女出嫁者為夫同堂兄弟子之妻為夫同堂兄弟之孫及孫女在室者為夫兄弟孫之妻為

夫兄弟之孫女出嫁者為夫兄弟之曾孫及曾孫女之在室者女出嫁為本宗伯叔祖父母及祖姑在室者為本宗同堂伯叔父母及堂姑在室者為本宗堂姊妹之出嫁者為本宗堂兄弟之子及女在室者

五 絲 圖



外子及外孫之妻及外孫之妻之父母  
同堂兄弟之妻及姑夫高曾祖父母及  
叔祖父母及人之祖姑在室者為夫之堂在叔  
女子及丈夫之室者

室者為本宗堂叔之山叔及本宗堂叔  
亦叔亦室者為本宗同堂叔及叔父堂叔亦  
叔父之亦室者及叔父叔父叔父叔父  
夫及弟之叔父出叔者為夫及弟之叔父及曾

五服總圖

欽定大清會典事例 卷之三十四 禮部



金匱要略卷之三十四

斬衰

年三

邊下縫不之為布麻麤至用

齊衰

三月  
不期  
五月

邊下縫之為布麻麤稍用

大功

九月

之為布麤用

小功

五月

之為布熟麤稍用

緦

三月

之為布熟細稍用

九族五服正服

圖

次三

禮部

九



凡適娶妻為祖父母  
母承重服斬衰  
若為曾祖父母承  
重服亦同服為祖  
母止服杖期

祖庶親母  
謂之庶堂  
凡弟及妻  
從庶親母

養父母  
謂之養親  
凡弟及妻  
從養父母

高祖曾祖祖  
父  
已

凡男為人後者為  
本生親屬服皆降  
一等惟本生父母  
降服不杖期父母  
報服同

從父母  
謂之從親  
凡弟及妻  
從從父母

父  
已

父母  
父母  
母  
身

族曾祖姑  
謂之親親  
凡弟及妻  
從族曾祖姑

族祖姑  
謂之親親  
凡弟及妻  
從族祖姑

從姑  
謂之親親  
凡弟及妻  
從從姑

族姊妹  
謂之親親  
凡弟及妻  
從族姊妹

眾子  
眾孫  
曾孫  
元孫

從姪女  
謂之親親  
凡弟及妻  
從從姪女

從孫女  
謂之親親  
凡弟及妻  
從從孫女

凡同五世祖族屬  
在總麻絕服之外  
皆為袒免親遇會  
喪則男摘冠纓女  
去耳環













出嫁女為本宗降服之圖



外親服圖





妻為夫外親  
服降一等

母祖父母

外祖父母

母之兄弟

舅之子

舅之孫

姑之子

姑之孫

堂舅之子

母之姊妹

兩姨之子

姨之孫


堂姨之子

己身

妻親服圖

次定大壽會典 卷之五十四 禮部 七






妾為家一長一族服圖



三父八母服圖





養母

謂自幼居與入

斬衰三年

不同居繼父適母

謂妾生子稱父之

謂繼母因父死再

謂父有子妾

嫁母

謂繼母因父死再

庶母

謂父有子妾

斬衰三年

繼母

謂生母死父繼妾

斬衰杖期

出母

謂繼母被父出

乳母

謂子乳子有杖期

緦麻

同居繼父

父同居 無服

從繼母嫁

謂父死繼母再嫁

兩有大功親繼繼 父有子孫自已亦 有伯叔兄弟類

齊衰杖期

慈母

謂生母死父繼妾

斬衰三年

卹典

凡賜卹之禮。大臣病故。有位隆望重。功德懋著者。喪

聞。

朝廷軫念輟朝。

親臨祭酒。或遣

皇子。王公大臣侍衛往奠。或賜爵秩。祀發帑治喪

並出

特恩餘皆按品給與祭葬之費。文官尚書武職都統

以上。由內院撰文。遣官宣讀。致祭。祭銀二十五



兩。墓費五百兩。易名。

賜諡。由部具題請。

旨。予諡者。勒碑。給費二百五十兩。碑文由內閣撰擬。侍郎。巡撫等。二品官。應得卹典者。不請諡。在任已及三年。給墓費四百兩。未及三年者。半之。遣官致祭。與一品官同。給祭銀二十兩。公侯。伯。子。男。世爵。兼他職。宣勞者。由部以給與全葬。或半葬。及。應否。予諡。聲明。疏內。請。

旨。裁定。祭銀。公。四十兩。侯。三十五兩。伯。三十兩。葬費。公。六百五十兩。侯。六百兩。伯。五百五十兩。子。如。

一品官之數。予諡立碑。公。侯。伯。各給銀四百兩。子。三百五十兩。散秩世爵。止給祭銀。無葬價。男。爵。無諡。全葬。半葬。皆視其兼他職與否。祭銀之數。與二品官同。滿漢文武。一二品官。以年老有疾。原官致仕。病故者。應得卹典。與見任同。三品官以下。雲騎尉。三等待衛。文官。知縣。武官。守備以上。如死事行闕者。以加贈品級。給與祭銀。三品官。十有六兩。四品官。十有二兩。五品官。十兩。葬費。三品官。三百兩。四品官。二百兩。五品。至七品官。百兩。在內。由工部給發。直省。由布政使司。



給發。

*[Faint bleed-through text from the reverse side of the page]*

欽定大清會典卷之五十五

禮部

祠祭清吏司

護日 護月附

凡日月食由欽天監豫推交食時刻及食之分秒具疏以

聞。

旨下通行直省及四夷屬國奉正朔者按欽天監所推時刻分秒隨地測驗祇行救護

凡護日食之禮部委祠祭司郎中一人暨欽天



監博士一人。赴觀象臺測驗。禮部設香案於露臺上。隨食時早晚為禱。設各官拜位於香案前。鴻臚寺鳴贊二人。糾儀御史四人。禮部監禮司官四人。序立於案左右。鑾儀衛陳金鼓於儀門外左右。文武有頂帶官以上。咸朝服齊集。欽天監候時官。以日初虧告。鴻臚官引各官就拜位。序立。鳴贊贊上香。禮部尚書詣香案前上香。贊跪叩興。暨各官行三跪九叩禮。贊跪禮部尚書就案前跪。眾皆跪。和聲署官二人奉鼓及柝進。贊仗鼓救護。禮部尚書援柝仗鼓者三。儀門金鼓皆作。

禮部堂官更番上香。各官分班祇跪。儀同候時官以日復圓告。金鼓止。眾聽贊行三跪九叩禮。如初禮成皆退。○月食於太常寺行禮。救護儀與護日禮同。○直省救護日月食。首會於督撫署。各府州縣各於其公署齊集。自初虧時鳴金鼓至復圓止。上香行禮。儀均與。

京師同。

方伎

凡陰陽家由直省有司官擇明習術數者。申督撫咨部給劄為陰陽學。府州縣各一人。府曰正。



術。從九品。州曰典術。縣曰訓術。均未入流。以轄日者形家之屬。禁其幻妄惑民。郡邑有大典禮。大興作。卜日候時用之。

凡醫師。由直省有司官。選諸於醫理者。咨部給劄。為醫學。府州縣各一人。府曰正科。從九品。州曰典科。縣曰訓科。均未入流。凡疾醫。瘍醫。疝屬之。民有疾病者。疔瘍者。使醫分治。獄囚病視療。亦如之。官給其藥餌。故者。知報有詐病而扶同欺隱者。罪之。

凡民有出家為僧道者。置首領以約束之。在

京師者。曰僧錄司。左右善世二人。正六品。闡教二人。

從六品。講經二人。正八品。覺義二人。從八品。曰道錄司。

左右正一二人。正六品。演法二人。從六品。至靈二人。

正八品。至義二人。從八品。由部選擇。移吏部補授。在

直省者。府曰僧綱。道紀。州曰僧正。道正。縣曰僧

會道會。均未入流。府二人。州縣各一人。由直省咨部

給劄。均擇其樸謹者為之。仍服方外衣冠。不得

與職官並列。○僧道不守規列者。聽所司究治。

若所犯事涉軍民。聽有司訊鞫。有作姦犯科者。

論如法。編管為民。○僧尼受戒者。給度牒。道士



女冠給執照年逾四十許授徒一人以牒照相傳若僧未受戒及道有室者不得授徒牒照止其身送部彙銷。○寺觀以僧道為廟祝有遠方僧道投止驗無牒照即報以司訊寃私晉者論婦女入廟游觀廟祝不禁拒者罪與本人同。○僧道不得於市肆誦經托鉢陳說因果歛聚金錢違者懲責游手頑民托名方外或指稱仙佛謬許前知以惑民聽者從重治之若創立無為白蓮焚香聞香混元龍元洪陽圓通大乘等教誘致愚民男女擾雜擊鼓鳴金迎神賽會者論

如律步軍統領五城司坊及直省守土官嚴行禁止

內監

凡民有願為內監者十五歲以內具保呈部十五歲以外本籍州縣官具結送部由部咨送內務府察驗收用



正遠以水本辭所禮守其辭邊時由濟谷邊內  
 凡凡所禮內禮亦正遠以內其外正遠內  
 內禮亦正遠以內其外正遠內  
 禁山亦正遠以內其外正遠內  
 破對亦正遠以內其外正遠內

欽定大清會典卷之五十六

禮部

主客清吏司

賓禮

朝貢

凡四夷朝貢之國東曰朝鮮東南曰琉球蘇祿  
 南曰安南暹羅西南曰西洋緬甸南掌西北番  
 皆遣陪臣為使奉表納貢來朝。  
 凡

勅封國王朝貢諸國遇有嗣位者先遣使請



命於

朝廷朝鮮安南琉球。

欽命正副使奉

勅往封其他諸國以

勅授來使齋回。遣使納貢謝

恩。○朝鮮國王王妃與王同封。子長則請封世子。皆

三品以上官充正副使。服色儀從各從其品。安

南琉球以翰林院科道禮部五品以下官充正

副使。

特賜一品麒麟服。以重其行儀。從皆視一品。使歸還

其服於所司。

凡貢期。朝鮮歲至。琉球間歲一至。安南六歲再

至。暹羅三歲。蘇祿五歲。南掌十歲。一至。西洋。緬

甸道遠。貢無定期。

凡貢道。朝鮮貢使渡鴨綠江入境。由鳳凰城陸

路至

盛京。入山海關。赴

京師。琉球由福建閩安鎮。蘇祿由廈門。西洋由廣

東澳門。暹羅由虎門。皆浮舟於海。經涉重洋。入

境。安南由廣西太平府。緬甸由雲南永昌府。南



掌。由普洱府皆陸行款關入境。各至省城督撫  
其疏以

聞。由部覆準。

命下。廼禮遣入京。

凡貢物。各將其國之土實。非土產者勿進。朝鮮  
安南。琉球。緬甸。蘇祿。南掌。皆貢有常物。西洋。暹  
羅。無常貢。惟其所獻。或輸內務府。或入內備院。  
或納鑾儀衛。或留於

盛京。及邊省。各付所司備用。有因事慶賀及謝  
恩加貢者。廩餼賚予如常貢。其方物。則留充正貢之

數。

凡從人。朝鮮貢使。從書狀官一人。大通官三人。  
護貢官二十四人。有賞從役三十人。無賞從役  
無常數。琉球。西洋。暹羅。蘇祿。貢舟無過三。每舟  
人無過百。赴京無過二十。安南。緬甸。南掌。入貢  
人無過百。赴京無過二十。其不赴京者。留於邊  
境。邊吏廩餼之。俟使回至邊。率之歸國。

凡進表。各國貢使就館。次日黎明。禮部設案於  
堂正中。提督會同四譯館鴻臚寺少卿朝服。率  
貢使暨從官。各服其國朝服。由館赴部。入左角



門。突於階下。禮部侍郎一人。出立於案左。儀制司官二人。鴻臚寺鳴贊二人。立於左右。楹南。咸朝服。館卿先升。立於階前。鳴贊贊進表。司賓序班二人。引貢使奉表升階。副使從官隨升。贊跪。正使以下皆跪。贊接表。侍郎恭接。陳於案正中。復位立。贊跪叩興。正使以下。行三跪九叩禮畢。序班引退。儀制司官奉表送內閣。恭竣命下。納方物於所司。

凡朝儀。貢使至京。遇大朝常朝之期。皇帝御太和殿。王公百官朝賀畢。序班引貢使暨從

官各服其國朝服。就丹墀西班末。聽贊行三跪九叩禮。

賜坐。

賜茶。皆如儀。詳見儀制司。若不遇朝期。由部奏請召見。

皇帝御便殿。領侍衛內大臣。侍衛左右侍立。禮部尚書一人采服。引貢使服其國朝服入。至丹墀西。行三跪九叩禮畢。引由右階升。通事一人從升。至。

殿門外跪。禮部尚書傳。



命慰問貢使以其國語對通事譯言禮部尚書代奏  
禮畢引出如待以優禮則議政大臣內大臣八  
旗大臣咸補服入

殿侍立禮部尚書引貢使至丹墀西行三跪九叩  
禮升右階入

殿右門左右翼大臣之末遮

賜坐貢使隨眾跪一叩坐。

賜茶跪接坐飲皆行一叩禮。

皇帝慰問貢使起跪奏對如前儀禮畢引出。

賜食於朝房翼日詣

午門外謝

恩如常儀。

凡

賜予由部疏請得

旨行諸司供具屆期設案於

午門外

御道左戶部工部內務府司官各陳

賜物於案上駟院陳馬於庭各國惟朝鮮國王禮部

堂官一人立案南西面主客司官隨後立御史

四人鴻臚寺鳴贊二人序班二人夾



御道左右東西面立。咸朝服。提督會同四譯館鴻臚寺少卿朝服率貢使暨從官各服其國朝服

山  
長安左門入至

午門外立

御道右東面鳴贊贊排班序班引貢使從官北面

序立聽贊行三跪九叩禮畢。廼頌

賜於國王。主客司官奉授貢使貢使跪受轉授其從

人次頌

賜於正副使及從官從人主客司吏奉授各跪受訖

廼謝

恩行三跪九叩禮畢。引貢使退堂官以下皆退。

凡館籛各國貢使就館工部節房宇備器具給

炭薪戶部支粟米芻豆光祿寺日具脯資籛率

詳見精膳司皆館卿稽察而均調之。

凡

賜燕答國貢使朝貢事竣。

賜燕於部將歸燕於館舍。詳見精膳司主席以禮部堂官

一人歸及邊境燕於省城主席以司道一人。

凡迎送朝鮮貢使以禮部通官迎於鳳凰城送



亦如之各國貢使由各省督撫遣丞倅迎於邊界即令伴送至

京及

朝貢禮畢安南琉球暹羅緬甸蘇祿均疏列禮部

滿漢司官各二人引

見恭候

欽點一人送至各省會城督撫遣官伴送出境南掌仍以伴送來京之人送往西洋貢使以內務府司官暨西洋人之供職欽天監者迎送於廣東皆往來乘傳所需舟車夫馬次舍饗餼有司官

憑郵符供備經過地方遞撥官軍防護以達遠人。

凡市易各國貢使入境其舟車附載貨物許與內地商民交易或就邊省售於商行或攜至京師市於館舍所過關津皆免其徵若夷商自以貨物來內地交易者朝鮮於

盛京邊界中江每歲春秋兩市會寧歲一市慶源開歲一市以禮部通官二人寧古塔筆帖式驍騎校各一人監視之限二十日畢市海外諸國於廣東省城每夏乘潮至省及冬候風歸國均



輸稅於有司與內地商民同。

凡禁令外國有事陳請專差陪臣齋文赴部或

外由督撫為之轉奏專達於

朝者禁貢使入境及貢道所經各定地界不由正

道越行他省者禁私買違制服色史書兵器銅

鐵油麻硝磺及帶內地人口米穀出境者禁江

海相際越境漁採者禁陸界甌脫之地中外軍

民設屯墾闢田廬遁逃寄寓者禁封疆文武官

不因公事通文書於外國者禁奉使出疆多受

餽遺往來送迎私索土宜者禁有干禁令者論

如法。

凡賜卹朝鮮安南琉球國王卒其嗣子遣使告

哀迺

賜故王諡以

勅封嗣王之使兼充

諭祭使齋祭文香帛白金往其國

諭祭貢使歿於內地在京遣祠祭司官在道遣所在

有司致祭願攜柩歸國者聽願葬內地者有司

擇地封窆立表以識之費資於官其國有大饑

饑遣使乞糴者令鄰疆官吏發倉庾以平其價



仍以粟賜之。

凡拯救外國商民船。有被風飄至內洋者。所在有司拯救之。疏報難夷名數。動公帑。給衣食。治舟楫。候風遣歸。若內地商民船。被風飄至外洋者。其國能拯救資贖。治舟送歸。或附載貢舟以還。皆

降勅褒獎該國王。

賜其陪臣有差。

賓館

凡賓館設廣廈。以待諸國貢使之至。置象譯以

通言語。習番夷書。曰會同。曰譯館。

凡館舍。一在御河橋。一在宣武門內。一在正陽門外。貢使將至。行工部庀治。以除燥濕。既至。館卿率大使稽其出入。視其脯資餼糈。毋有不給。○貢使至。次日奉表詣部。納貢。遇朝期。隨廷臣後朝賀。事竣。

賜燕於部及館。

頒賞於午門外。皆館卿率使臣行禮。○館內日給饗餼。由光祿寺供備。食米芻菽。器用薪炭。由戶工二部支應。芻草。係五城所報。時價和買。運費草



價均領於戶部事竣其其數申部察覈移所由各衙門奏銷防護官兵奏交兵部撥送○館舍或傾圯應修費巨者奏請費輕者移工部委官暨館卿會計修理

凡象譯朝鮮安南琉球表章皆用中國書惟習朝鮮言語設譯生二十人於各旗朝鮮子弟內選充習回回西番書設西域館譯生四人習暹羅緬甸蘇祿南掌書設百夷館譯生四人均於順天府屬儒童內選充

凡授職大使員闕咨吏部以序班序補前官及

序班員闕均以譯生選補咨吏部注冊

馬館

凡設館以牧外藩馬駝在宣武門內者曰內館在廣菜門外者曰外館下嫁外藩公主郡主暨額駙歸寧外藩王公台吉來朝及索倫貢貂乘來馬駝均入牧焉

凡芻牧之期以冬十月一日入館至次年夏四月一日出館山理藩院具外藩馬駝之數移館以稽出入

凡芻牧之數外藩親王馬駝六十匹郡王五十



貝勒四十。貝子三十有五。公二十有五。扎薩克台吉十。台吉等八。都統子副都統五。○固倫公主。馬駝六十五匹。額駙視貝勒。和碩公主視親王。額駙視貝子。郡主視郡王。縣主視貝勒。郡君視貝子。額駙均視公。縣君視公。額駙暨公主之子。戚畹封台吉者均十有五。鄉君視扎薩克台吉。

凡芻牧需費。每馬駝十有三匹。用夫一名。豆支於戶部。柴支於工部。鹽支於光祿寺。草依五城所報時價和買。雇直運費草價均於戶部支領。

監督一年期滿。具冊申部。各衙門奏銷。

凡監視芻牧。內館旗員一人。外館二人。防護驍騎校如之。兵各二十名。由兵部移八旗。均委輪直。



禮部  
精膳清吏司  
燕禮  
凡大燕之禮恭遇元日  
萬壽聖節及大慶典前期部疏請得  
旨由領侍衛內大臣奏  
命進酒大臣尙茶庖茶尙膳內管領庖  
御饌王以下入八分公以上進饌席牲酒有不足者  
光祿寺供酒席兩翼稅務供羊均由司示備是

欽定大清會典卷之五十七

禮部

精膳清吏司

燕禮

凡大燕之禮恭遇元日

萬壽聖節及大慶典前期部疏請得

旨由領侍衛內大臣奏

命進酒大臣尙茶庖茶尙膳內管領庖

御饌王以下入八分公以上進饌席牲酒有不足者

光祿寺供酒席兩翼稅務供羊均由司示備是



日已刻。內外王公台吉。百官朝服咸集。鑾儀衛設鹵簿。樂部設樂懸。如朝儀。武備院張黃幕於丹陛正中。內務府設反坫於幕下。陳尊罍。扈爵。於坫上。禮部設青幕於丹墀。夾鹵簿東西各八。豫陳。又大樂。與前殿。御筵於大樂之西。亦設於日。

寶座上稍南。

寶座下左右。設內外王公大臣台吉席。各七行。席各四十有一。均東西相嚮。

寶座左右。陛後。設後扈大臣席各一。僉嚮。

寶座前左右。設前引大臣席各三。東西相嚮。

寶座後左右。豹尾班侍衛席各一。西豹尾班之次。

起居注日講官席一。均南嚮。

殿門外西檐下。都察院樂部堂官席一。東嚮。丹陛

上。一二品官侍衛各三行。席各二十有三。東西

相嚮。黃幕東。禮部堂官席一。西嚮。西內務府堂

官席一。東嚮。丹墀青幕下。東為鑲黃。正白鑲白

正藍四旗官及內閣吏部戶部禮部宗人府通

政使司翰林院詹事府理藩院太常寺光祿寺

吏科戶科禮科鴻臚寺國子監欽天監太醫院



席西爲正黃正紅鑲紅鑲藍四旗官及兵部刑部工部都察院大理寺鑾儀衛太僕寺中書科兵科刑科工科順天府兵馬司外國貢使席各二十有四東西嚮午刻鴻臚寺官引內王公百官理藩院官引外藩王公入王以下公以上在丹陛上百官在丹墀東西序立禮部堂官奏請御太和殿

皇帝禮服出宮前引後扈

午門鳴鐘鼓中和韶樂作

陛座樂止鳴鞭記注官入

殿右門立均如朝儀鴻臚官引王公大臣由

殿左右門入暨百官各就席行一叩禮坐尙膳內

管領護軍叅領升通

御筵降迺進茶丹陛清樂奏海宇昇平日之章尙茶

正率尙茶侍衛執事等舉茶案以次由中道進

至檐下進茶大臣奉茶入

殿中門羣臣咸就本位跪進茶大臣由中陛升至

御前跪進茶退立於西旁

皇帝飲茶羣臣均行一叩禮進茶大臣跪受茶椀由

右陛降出中門羣臣咸坐侍衛分



賜王公大臣茶。內府護軍執事等分。

賜幕下大臣官員茶。尚茶正等徹茶案。凡常朝賜茶儀皆同

樂止。展席。羣臣進酒。內府掌儀司官二人奉壺

爵一人奉卮進。丹陛清樂奏玉殿雲閣之章。羣

臣起立。掌儀司官於

殿左門外。西嚮酌酒進。酒大臣出席。釋補服。元日則釋

端入

殿中跪。羣臣咸於坐次跪。掌儀司官奉爵入。西嚮

跪授大臣。退進酒。大臣奉爵興。出

寶座中。陞升。由

御筵右進至。

御座側進。爵興。由右陞降至原位跪。

皇帝進酒。進酒大臣行一叩禮。羣臣均隨行禮。進酒

大臣由右陞升。跪受爵。仍由中陞降。至原位跪

掌儀司官入。跪奉爵退。羣臣起立。

賜進酒大臣酒。掌儀司官酌金卮以入。立授進酒大

臣。大臣受。一叩卒飲。掌儀司官立受卮退。進酒

大臣一叩興。羣臣坐。進酒大臣出。加補服。入席

坐。迺進饌。中和清樂奏萬象清寧之章。尚膳承

旨分賜食品於各席。徧樂止。笳吹作奏畢。慶隆舞進。



舞揚烈舞畢。隊舞大臣進。

殿中舞喜起舞。所司舉反坫進。至

殿陛下。

御前侍衛酌卮酒。升至

御座前。

皇帝簡召王公大臣賜酒。領侍衛內大臣視侍衛徧

賜殿陛王公大臣酒。光祿寺官分

賜左右青幕下百官酒。羣臣咸跪受。一叩。卒飲。一叩

坐。隊舞退。朝鮮國能進百技。以次並作。退。尚膳

升徹。

御筵降。羣臣起立。鴻臚官引

殿內王公大臣。由左右門出。引丹陛各官。皆降東

西階。丹墀百官。咸出幕。就東西班序立。謝

恩。聽贊。行一跪三叩禮。丹陛大樂作。禮畢樂止。鳴鞭

中和韶樂作。

皇帝還宮。樂止。所司徹席幕。各退。

凡

皇太后宮設燕之禮恭遇

皇太后聖壽。元日。於正月初。各慶典。前期。部疏請。得

旨。命所司。備尚膳內管領。庀



皇太后

皇后御筵。

貴妃

妃

嬪儀筵親王郡王各進饌筵牲酒不足者光祿寺

備具以足四十席至日內鑾儀衛設

皇太后儀駕內監設樂懸如朝儀尚膳女官內管領妻

設

皇太后御筵於寶座南。

寶座之東歛設

皇后筵稍後設

貴妃

妃

嬪筵又後設公主福晉以下鄉君八八分公夫人

以上席重行均東西相嚮丹陛上設公侯伯子

男滿一二品大臣命婦侍衛妻席均東西相嚮

張黃幕於

慈寧門外正中幕下設反坫上陳尊罍卮爵屆時

行燕禮儀詳內務府

凡



保和殿

賜燕之禮歲除日燕外藩蒙古於

保和殿前期內務府庄僕請

旨命進酒大臣是日武備院張黃幕於

殿南正中。所司設反坫於幕下。陳尊罍。后爵如儀

尚膳設

御筵於

寶座上。

殿內設外藩王公暨內大臣並與燕文武大臣席

丹陛上設台吉暨侍衛席均按翼東西相嚮樂

部設宮懸於

殿左右檐下。設丹陛大樂於

中和殿北左右均北面。屆時行燕禮。儀詳內務府正月

十四日十五日燕外藩蒙古。或於

保和殿。或於

行幸駐蹕儀同。

凡

視學禮成翼日燕有事諸臣於禮部。司視人數。付光

祿寺庀饌。是日朝服視設。布席於堂。視官次為

左右。衍聖公。大學士。內閣學士。翰林院詹事府



官國子監祭酒司業禮部太常寺光祿寺鴻臚寺及執事官十三氏子孫咸與三品以上異席四品以下共席設香案於露臺上序班引各官詣香案前望

闕序立鳴贊贊排班贊行三跪九叩禮畢迺就席坐茶至一叩酒至一叩飲畢一叩茶一行酒三行典詣香案謝

恩行禮如前各退

凡 經筵禮成燕進講暨侍班執事各官於

陽和門前朔日光祿寺庀饌至日門南西嚮設席講官大學士尚書侍郎左都御史左副都御史通政使副使大理卿少卿詹事少詹事

起居注日講官鴻臚卿糾儀科道鴻臚寺鳴贊各官序坐以北為上燕畢詣太和門前金水橋南謝

恩一跪三叩畢各退

凡會試入闈日燕有事各官於禮部是日日本部官朝服齊集視設堂後楣之東設主考官知貢舉監場副都統席同行西嚮前楣西設本部堂



官席後設司官席。重行東嚮。堂左右設同考官。監  
試。監場叅領。叅將。收掌。外簾。四所官席。露臺左  
右設鳴贊。醫官。監門。巡綽等官席。均重行相嚮。  
設香案。露臺上。南嚮。主考以下官。咸朝服集。

午門外候宣。

旨畢。迺赴燕。陪燕堂官。迎於堂檐下。拱揖。遂詣香案  
前。鳴贊。官夾案立。贊排班。贊跪叩興。衆北面望。  
闕行三跪九叩禮畢。迺升堂。光祿寺官奉壺爵。尚  
書立揖。祭酒三。遂送主考酒。以次送知貢舉。副  
都統。光祿寺官。分送同考。以下各官。主考酬酢。

主席。徧依次就席。光祿寺供饌。燕畢。仍詣香案

謝。

恩行禮如前。主考各官入闈。送如迎儀。徹闈燕同。

凡

殿試傳臚翼日。燕有事各官。及諸進士於禮部。曰  
恩榮燕。豫期。由部奏請。

命主席大臣。至日。司官朝服視設。堂後楹之東。設主  
席。大臣席於正中。讀卷官。鑾儀衛堂官。席於左  
右。同行。西嚮。前楹。西設本部堂官席。同行。東嚮。  
皆異席。受卷。彌封。收掌。監試。護軍。叅領。填榜。印。



卷各官席堂左右供給官席露臺左鳴贊官席露臺右相嚮二人共席一甲進士在供給官席前二甲一名三甲一名進士在一甲南稍後均西嚮專席餘進士席露臺下左二甲右三甲相嚮二人共席設香案如入闈燕儀主席大臣各官朝服集金水橋諸進士集於部以候席備光祿寺官詣金水橋以告主席大臣各官至部堂官迎檐下揖遂率諸進士詣香案前鳴贊贊排班贊行三跪九叩禮如儀退各官依席次序立旅揖和聲署樂作序班引二甲進士至堂檐下

東面立諸進士序立於後嚮主席大臣四拜主席答揖次讀卷官本部鑾儀衛堂官如之次執事官再拜執事官答再揖畢主席出堂檐前立光祿寺官奉壺注酒於爵主席受爵揖祭酒三揖授虛爵光祿寺官復注酒授一甲進士進士授爵揖立飲卒三爵主席復位各官就坐諸進士依席次坐廼燕和聲署樂作燕畢謝

恩如前儀。

凡恭修

實錄開館日燕監修總裁各官或於禮部或於館內前



期。由部奏請。

命主席大臣。付光祿寺。庖饌監修。總裁官。主席大臣。均專席。在部則堂官陪燕。纂修提調。收掌。膳錄。繙譯各官共席。均左右相嚮。燕畢。謝。

恩如儀。在館於金水橋南。在部設香案行禮。

凡衍聖公來朝。燕於禮部。以尚書陪燕。是日。設賓主席於後堂。東嚮。以南為上。博士席北嚮。以西為上。設香案於露臺上。迺速賓。衍聖公入儀門降輿。尚書迎於堂檐下。揖。又旅揖。博士詣香案前。聽贊。行三跪九叩禮畢。迺坐。光祿寺官奉

茶酒饌。和聲署作樂。燕畢。詣香案前謝。

恩。行一跪三叩禮畢。送如迎儀。

凡外國貢使朝。

見畢。燕於禮部。以堂官主席。至日。設席。主席位堂正中。正使居其右。副使在正使下。均專席。從官。從人。席副使後。均共席。露臺上設香案。迺速貢使。至二門步入。主席率詣香案前。聽贊。行三跪九叩禮畢。正副使見主席。一跪三叩。主席答揖三。迺坐。茶一行。酒三行。燕畢。詣香案謝。恩。行一跪三叩禮。使者稟辭。各退。







朝貢使者日給脯資餼率部劄光祿寺二日一送館西北諸番部落遣使西域番僧遣徒。

盛京及陝甘邊境諸寺番僧朝貢至京者由理藩院咨部轉劄光祿寺供備。

凡饋餼下嫁外藩公主暨額駙館於京師外藩王公來朝。

遇元旦令節均由部奏賜除夕筵席從官酒肉各有差分行所司供備。衍

聖公來朝初至山所司具食品致餼。外國

朝貢陪臣在京度歲除夕

賞資均劄光祿寺供備。

凡廩給。

盛京以北人戶移家來京及邊界新附人戶來京者由旗咨部劄光祿寺按其人數日給肉鹽至三歲廼止。

盛京禮部歲進

陵寢供品。

盛京吉林等處將軍及戶部內務府所屬採捕地方歲進水陸物產齋送官役日有廩給均咨到



部割光祿寺供備。

牲牢

凡供祭牲牢。

盛京禮部設牛羊牧羣以供

三陵歲時祭饗歲以滋息及取用之數咨部並咨戶部

祭覈

東陵。

西陵每祭取乳牛。行左右翼稅務供備。領牛官役行糧

乳牛芻牧移文戶部給票沿途支取。

凡燕會牲牢。

慶典令節。

賜燕於

宮殿各典禮及番夷來

朝入貢。

賜燕於衙署館舍均行左右翼稅務供羊。

凡賓館牲牢。下嫁外藩公主館於

京師。日給羊一。郡主以下。三日給羊一。○除夕

賜公主額駙外藩王公席

賞賚外國陪臣及番夷貢使每日館籩所用蒙十羊

行左右翼稅務漢羊行光祿寺按數供備



凡

賜卹牲牢。宗室王。公暨三福晉夫人。

諭祭。行左右翼稅務備羊。下嫁外藩公主郡主以下。

暨外藩王。公。

諭祭所用牛羊。行戶部給價。各有差。

欽定大清會典卷之五十八

樂部

典樂。以禮部滿尚書兼之。各部院內務府堂官知樂者。

簡用無定員。掌五音六律。以合陰陽之聲。所屬有神

樂和聲。一署。掌儀司鑾儀衛樂。並隸焉。神樂署

漢署正一人。漢署丞二人。漢協律郎五人。漢司

樂二十二。人和聲署署正。滿漢各一人。署丞。滿

漢各一人。以禮部內務府司官兼攝。供奉供用。無定員。以太

內務府司官兼攝。供奉供用。無定員。以太儀衛司官各見該衙門。分掌協律之事。



金匱要略卷之八

凡

郊

廟祠祭之樂。神樂署司之。

殿廷朝會燕饗之樂。和聲署司之。

宮中慶賀燕饗之樂。掌儀司司之。饒歌鼓吹。前部

大樂鑾儀衛司之。均統於樂部。春秋季月。大合

樂於樂部。典樂率所屬。咸蒞視之。

凡祠祭樂律

南郊。以黃鐘為宮。

北郊。以林鐘為宮。

太廟以太蔟為宮。

社稷春以夾鐘為宮。秋以南呂為宮。祈雨以夾鐘為

宮。報祭以南呂為宮。朝

日。以太蔟為宮。夕

月。以南呂為宮。

前代帝王

先師孔子。均春以夾鐘為宮。秋以南呂為宮。

先農以姑洗為宮。

先蠶以仲呂為宮。

天神。以黃鐘為宮。

欽定大清會典 卷之八 樂部



地祇以林鐘為宮。

太歲以太族為宮。

凡樂章。

天

地

太廟

社稷

帝王廟

文廟

先蠶

太歲均曰平。

日曰曦。

月日光。

先農曰豐。禱祀亦曰豐。祀

天九奏。冬至迎。

帝神奏始平。奠玉帛景平。進俎咸平。初獻壽平。亞獻嘉

平。終獻永平。徹饌熙平。送神清平。望燎太平。

祈穀迎

帝神奏祈平。奠玉帛綏平。進俎萬平。初獻寶平。亞獻穰

平。終獻瑞平。徹饌渥平。送神滋平。望燎穀平。



常雩迎

帝神奏需平。奠玉帛雲平。進俎需平。初獻霽平。亞獻露

平。終獻霽平。徹饌靈平。送神霽平。望燎需平。祭

地八奏。迎神奏中平。奠玉帛廣平。進俎含平。初獻大平。

亞獻安平。終獻時平。徹饌貞平。送神寧平。

天崩六奏。時饗迎神奏貽平。奠帛初獻枚平。亞獻敷平。

終獻紹平。徹饌光平。還宮又平。大禘迎神奏開

平。奠帛初獻肅平。亞獻協平。終獻裕平。徹饌誠

平。還宮成平。

社稷七奏。春秋祈報迎神奏登平。奠玉帛初獻茂平。

亞獻育平。終獻敦平。徹饌博平。送神樂平。望瘞

微平。祈雨報祭迎神奏延豐。奠玉帛初獻介豐

亞獻滋豐。終獻需豐。送神貽豐。望瘞溥豐。朝

日七奏。迎神奏寅曦。奠玉帛朝曦。初獻清曦。亞獻咸

曦。終獻純曦。徹饌延曦。送神歸曦。夕

月六奏。迎神奏迎光。奠玉帛初獻升光。亞獻瑤光。終

獻瑞光。徹饌涵光。送神保光。饗

前代帝王六奏。迎神奏肇平。奠帛初獻典平。亞獻崇

平。終獻恬平。徹饌淳平。送神匡平。釋奠於

先師六奏。迎神奏昭平。奠帛初獻宣平。亞獻秩平。終



獻叙平。徹饌懿平。送神德平。饗

先農七奏。迎神奏永豐。奠帛初獻時豐。亞獻時豐。終

獻大豐。徹饌屢豐。送神報豐。望瘞慶豐。饗

先蠶六奏。迎神奏庥平。初獻承平。亞獻均平。終獻齊

平。徹饌柔平。送神洽平。祈報

天神

地祇均六奏。迎神奏祈豐。奠帛初獻華豐。亞獻典豐

終獻儀豐。徹饌和豐。送神錫豐。方嶽同。嶽祀

太歲六奏。祖迎。迎神奏保平。奠帛初獻定平。亞獻暇

平。終獻富平。徹饌盈平。送神豐平。祈雨。報祭。迎

神奏需豐。奠帛初獻宜豐。亞獻晉豐。終獻協豐

徹饌應豐。送神洽豐。羣祀自

先醫以下。均和聲。署奏慶神歡樂。

凡佾舞。

壇

廟初獻舞武功之舞。亞獻終獻舞文德之舞。均八佾。

文廟六佾。三獻均文舞。

先蠶及羣祀。無佾舞。

凡樂器。中和韶樂。八音咸備。金之屬曰鐘。石之

屬曰磬。絲之屬曰琴。曰瑟。竹之屬曰排簫。曰箏。



曰箎。曰箎。匏之屬曰笙。土之屬曰壎。革之屬曰鼓。曰搏拊。木之屬曰祝。曰敔。

禮

廟均磨一。

編鐘。編磬。各十有六。琴十。瑟四。排簫二。簫。篴。笙各十。壎二。箎六。建鼓一。搏拊二。祝。敔。各一。木笏十。

文廟。瑟。簫。篴。笙。各六。箎。四。木笏。六。餘均同。

先蠶壇。方響十有六。琴四。瑟二。雲璈二。簫。篴。笙。各六。

鼓一。杖鼓二。拍二。木笏十。羣祀樂。雲璈一。篴。笙。管各二。鼓一。拍一。○佾舞器。引舞以旌節。左右

各一。武功之舞以干戚。文德之舞以羽籥。各六十有四。

凡設樂。

四郊

社稷

先農

先蠶。設於壇下。

祈年殿

太廟

帝王廟

欽定大清會典 卷之九十八 樂部



文廟設於階上。

太歲殿設於殿內。均左右懸。羣祀樂設於右階上下。

凡朝會樂律

御殿還宮。奏中和韶樂。三大節。均以黃鐘為宮。常朝

正月以太簇。二月以夾鐘。三月以姑洗。四月以

仲呂。五月以蕤賓。六月以林鐘。七月以夷則。八

月以南呂。九月以無射。十月以應鐘。十一月以

黃鐘。十二月以大呂為宮。遇間節。前從上月律

節後。從下月律為宮。

皇太后

皇后宮三大節。均以南呂為宮。

凡樂章。



皇帝陞殿。元日奏元平。長至遂平。元宵怡平。

萬壽聖節乾平。常朝隆平。還宮。元日奏和平。長至允

平。元宵昇平。

萬壽聖節泰平。常朝顯平。

皇太后陞座奏豫平。還宮履平。

皇后陞座奏淑平。還宮順平。○朝賀行禮奏升陞大

樂樂章。

太和殿羣臣行禮奏慶平。外藩四夷使臣行禮奏

治平。內朝行禮奏維平。

皇太后宮三大節

皇帝率羣臣行禮奏益平。

皇后率

貴妃

妃

嬪公主福晉命婦行禮與

內朝同。

皇后宮三大節。

貴妃

妃

嬪公主福晉命婦行禮奏正平。

欽定大清會典 卷之八 樂部



凡

乘輿出入及慶典奏導迎樂。

躬祀

壇

廟禮成回鑾奏作平。

巡狩方嶽

車駕出入進春進表箋進書進種稷進鈞鐘。

頒詔。

頒朔迎吻齋榜均奏禧平。

凡清樂均以樂辭首句為章名。章多者擇奏數。

闕○恭上

皇太后徽號。

御太和殿闕

冊

寶奏海上蟠桃之章。

大燕進饌奏萬象清寧之章。

皇太后宮大燕同上元節張燈奏火樹星橋之章。

耕藉禮成設燕進饌奏風和日麗之章。

幸翰林院設燕進饌奏玉署延英之章。凱旋

賜燕進饌奏日耀中天之章。均殿廷清樂○

欽定大清會典 卷之六 樂部



大燕進茶奏海宇昇平日之章進酒奏玉殿雲開之章。

皇太后宮大燕同

耕藉禮成設燕進茶奏喜春光之章進酒奏雲和迭奏之章。

幸翰林院設燕進茶奏文物京華盛之章進酒奏延閣雲濃之章凱旋

賜燕進茶奏景運乾坤泰之章進酒奏聖德誕敷之章肉丹陛清樂。

皇帝耕藉歌三十六禾辭。

皇后視祿樂歌採桑歌。

大燕進酒歌慶隆舞樂九章。

車駕至

盛京大燕歌世德舞樂十章凱旋

賜燕歌德勝舞樂章臨時撰擬並於箱吹樂之六十七章。

番部合樂之六章擇奏數闕。

大闕。

駕出鏡歌大樂奏壯軍容之章。

駕入鏡歌清樂奏皇威之章。○衍聖公來朝。

賜燕於禮部五魁舞樂奏洙泗發源長之章。



賜恩榮燕於禮部。奏啟天門之章。鷹揚燕於兵部。奏和氣洽之章。行鄉飲酒禮於順天府。鹿鳴笙。

御製補南陔之章。開歌魚麗笙。

御製由庚之章。合樂關雎。

凡鏡歌清樂二十七章。大樂二十八章。

皇帝省方駐宿

御營每朝鳴蒙古畫角。每夕開奏鏡歌樂數闕。

躬祀

郊

廟禮成。回鑾及獻俘。均奏前部大樂。鏡歌鼓吹。

凡隊舞

殿廷燕饗之舞。有揚烈舞。喜起舞。合稱慶隆舞。

盛京稱世德舞。凱旋。

賜燕稱德勝舞。又有朝鮮國供舞。瓦爾喀部樂舞。擲

倒伎舞。繩伎舞。元日燕羣臣於

太和殿。歲除燕外藩於

保和殿。元宵於

禁苑。諸舞備舉。

凡樂器。中和韶樂。均麾一。編鐘。編磬。各十有六。



琴四。瑟二。排簫二。簫。邃各四。笙八。壎。篪各二。建鼓一。搏拊二。祝。敔各一。○丹陛大樂。戲竹二。方響二。雲璈二。邃管。笙各四。大鼓二。杖鼓。拍各一。○清樂。均。雲璈。邃管。笙各二。小鼓。杖鼓。拍各一。○導迎樂。雲璈二。邃管。笙各二。鼓。拍各一。○三十六禾辭樂。金鼓。簫。邃管。拍各六。○採桑歌樂。金鼓。拍各二。簫。邃管。各六。○慶隆樂。箏。阮。各一。琵琶。三絃。各八。節。拍各十。有六。世德舞。德勝舞。同。節。吹樂。節。阮。箏。口琴。各一。番部。合奏樂。箏。琵琶。三絃。二絃。月琴。胡撥。箏。阮。四絃。阮。雲璈。邃

管。簫。笙。拍各一。○部燕樂。雲璈。邃管。笙各二。鼓。拍各一。○鄉飲酒樂。編磬。八琴。瑟各一。簫。邃管。各四。○饒歌鼓吹。畫角二十。有。四。擗鼓。四十。有。八。杖鼓。拍各二。金二。鉦。四。邃管。十。有。二。大銅角。小銅角。各八。前部大樂。大銅角。小銅角。金口角。各四。饒歌大樂。大銅角。小銅角。金口角。各八。銅鼓。四。金二。鈸。點鼓。各一。饒歌清樂。雲璈。邃管。笙各二。鈸。點鼓。各一。○隊舞器。揚烈舞。介冑。弓。矢。大刀。面具。馮馬。喜起舞。具。朝服。佩。儀刀。凡設樂。



宮懸設於

太和殿

保和殿檐下丹陛大樂設於

太和門

中和殿後檐下清樂二部一設於殿外中和樂之

東一設於丹陛樂之東揚烈舞及諸樂舞於丹

陛喜起舞及笳吹番部合奏樂於

殿內慶隆樂及瓦爾喀部樂舞於檐下均先設於

殿外東序

欽定大清會典卷之五十九

兵部

尚書滿漢各一人左右侍郎滿漢各一人掌中

外武職銓選簡發軍實以贊邦政所屬有武選

車駕職方武庫四司

武選清吏司郎中滿三人蒙古一人漢一人員

外郎滿四人漢二人主事滿漢各一人掌武職

除選封磨及征伐訓誥頒其政令

車駕清吏司郎中滿三人漢一人員外郎滿二

人蒙古一人主事滿漢各一人掌驛傳郵符中



外馬政。

職方清吏司。郎中。滿四人。漢二人。員外郎。滿三人。蒙古一人。漢一人。主事。滿洲。蒙古各一人。漢二人。掌天下輿圖。以周知險要。敘功覈過。以待賞罰黜陟。

武庫清吏司。郎中。滿二人。漢一人。員外郎。滿洲。蒙古各一人。主事。滿漢各一人。掌兵籍。戎器。鄉會武科。及編發戍軍。

堂主事。掌文案者。滿二人。掌章奏者。漢二人。漢軍一人。

司務。滿漢各一人。

館所監督。滿漢各一人。以司官兼攝

筆帖式。滿六十二人。蒙古八人。漢軍八人。分隸各司。視事之繁簡以爲額。

武選清吏司

官制

凡侍從武職。領侍衛內大臣。六人。內大臣。六人。均正一品。散秩大臣。無定員。從二品。一等侍衛。六十九人。正三品。二等侍衛。百六十八人。正四品。三等侍衛。三百三十三人。正五品。四等侍衛。



無定員。從五品藍翎侍衛九十人。正六品親軍校四十五人。從六品漢侍衛無定員。○鑾儀衛掌衛事內大臣一人。正一品鑾儀使滿二人。漢一人。正二品冠軍使滿七人。漢軍三人。正三品雲麾使滿二十人。漢軍八人。正四品治儀正滿二十人。漢軍二十二。正五品整儀尉滿十有三人。漢軍十有六人。正六品。凡八旗武職都統滿洲蒙古漢軍旗各一人。正一品副都統旗各二人。正二品驍騎參領滿洲旗各五人。蒙古旗各二人。漢軍旗各五人。正三

品副驍騎參領如參領之數。佐領無定員。均正四品。驍騎校每佐領下一人。從六品。○前鋒統領左右翼各一人。正二品前鋒參領旗各二人。正三品前鋒侍衛旗各二人。正四品委署前鋒參領旗各一人。繫五品虛銜前鋒校旗各十有二人。從六品。均滿洲蒙古兼用護軍營同○護軍統領旗各一人。正二品護軍參領旗各十有四人。正三品副護軍參領如參領之數。正四品委署護軍參領旗各七人。繫五品虛銜護軍校每佐領下一人。從六品。○提督九門巡捕三營步軍統領一人。正二品。



左右翼翼尉二人。正三品。協尉。旗各三人。城門領二十五人。均正四品。副尉。如協尉之數。步軍尉。旗各四十二人。均正五品。城門吏。二十五人。正七品。○火器營總統六人。王公大臣兼任鳥槍護軍叅領十有六人。正三品。驍騎叅領二十四人。司礮官九十六人。護軍校一百十有六人。驍騎校五十二人。各從其品。驍騎叅領以下均以此。○

圓明園總統無定員。王公大臣兼任營總護軍叅領旗各一人。均正三品。副護軍叅領旗各二人。正四品。署副叅領旗各四人。正五品。護軍校旗各十有

六人。從六品。○健銳營總統無定員。王公大臣兼任翼領左右翼各一人。前鋒叅領旗各一人。均正三品。副前鋒叅領。如叅領之數。正四品。前鋒校旗各五人。從六品。○白塔信礮總管一人。正四品。司信礮官旗各一人。正五品。○

南苑總尉一人。正四品。防禦八人。正五品。○

內府三旗護軍統領三人。正三品。護軍叅領副護軍叅領驍騎叅領旗各五人。均正五品。佐領三十五人。正四品。前鋒校旗各二人。護軍校旗各三十五人。驍騎校每佐領下一人均從六品。○



圓明園內府三旗護軍營總一人。正四品護軍參領。副參領。旗各一人。均正五品。署參領。如參領之數。護軍校。旗各三人。均從六品。○王公府屬武職。親王。長史一人。正三品。散騎郎四人。以世爵領之。護衛。一等六人。從三品。二等六人。從四品。三等八人。從五品。典儀。從四品。從五品。從六品。各二人。親軍校。無定員。從六品。世子。長史一人。散騎郎三人。護衛。一等六人。二等五人。三等六人。典儀。從四品一人。從五品。從六品。各二人。郡王。長史一人。散騎郎三人。護衛。一等六人。二

等四人。三等五人。典儀。從五品。從六品。各二人。長子。長史一人。護衛。一等二人。二等四人。三等六人。典儀。從五品二人。從六品一人。貝勒。司儀長一人。正四品。護衛。二等六人。三等四人。典儀。從五品一人。從六品二人。貝子。三等護衛六人。典儀。從六品一人。從七品二人。鎮國公。輔國公。均三等。護衛四人。典儀。從七品。從八品。各一人。○五旗王公府屬參領。旗各五人。從五品。佐領。旗各七人。從四品。驍騎校。每佐領下一人。從六品。



凡

陵寢武職。

永陵總管一人翼領二人司工匠一人均正四品防禦

十有六人正五品以下官品同。

福陵總管一人翼領二人防禦十有六人司工匠一人

昭陵總管一人翼領二人防禦十有六人司工匠一人

昭西陵防禦十有六人驍騎校二人從六品。

孝陵總管一人翼領二人防禦十有六人驍騎校二人

孝東陵防禦十有六人驍騎校二人。

景陵總管一人翼領二人防禦十有六人驍騎校二人

皇貴妃園寢防禦四人驍騎校一人。

妃園寢防禦八人驍騎校一人。

泰陵總管一人翼領二人防禦十有六人驍騎校二人

妃園寢防禦八人驍騎校一人。

孝賢皇后陵寢總管一人翼領二人防禦十有六人

驍騎校二人。

妃園寢防禦八人驍騎校一人。

端慧皇太子園寢防禦八人。

凡入旗駐防武職將軍。

盛京等處一人吉林等處一人黑龍江等處一人



山東青州府一人。山西綏遠城一人。兼轄江南右衛。

江寧府一人。兼轄京口。福建福州府一人。浙江杭州

府一人。兼轄乍浦。湖廣荊川府一人。陝西西安府一

人。寧夏府一人。涼州府一人。兼轄莊浪。廣東廣州府

一人。從一品。○都統。直隸天津府一人。山西歸

化城二人。甘肅巴里坤一人。從一品。○副都統。

直隸天津府一人。山海關一人。熱河一人。

盛京三人。吉林五人。黑龍江三人。青州府一人。歸

化城二人。綏遠城二人。右衛二人。江寧府二人。

京口二人。福州府二人。杭州府二人。乍浦一人。

荆州府二人。西安府四人。寧夏府二人。涼州府

一人。莊浪一人。巴里坤二人。四川成都府一人。

廣州府二人。從二品。○城守尉。鄭家莊一人。保

定府一人。涪州一人。

盛京八人。黑龍江一人。山東德州一人。山西太原

府一人。河南開封府一人。從三品。○協領。天津

府六人。山海關二人。熱河六人。

盛京十有四人。吉林十有九人。黑龍江十有六人。

青州府四人。綏遠城十人。右衛十有二人。江寧

府十人。京口八人。福州府九人。杭州府十有三



人乍浦五人。荊州府十人。西安府十有八人。寧夏府六人。涼州府六人。莊浪三人。巴里坤八人。成都府五人。廣州府九人。從三品。○總管黑龍江十人。游牧察哈爾八旗各一人。正三品。張家口一人。從四品。○叅領吉林一人。黑龍江一人。游牧察哈爾八旗各一人。從三品。京口八人。杭州府四人。西安府八人。○副管游牧察哈爾八旗各一人。從三品。黑龍江二十六人。從四品。○防守尉。昌平州良鄉縣寶坻縣固安縣東安縣霸州雄縣。朱育里。永平府順義縣三河縣。玉田

縣古北口獨石口冷口喜峯口各一人。

盛京三人。從四品。○佐領鄭家莊六人。天津府三十二人。山海關八人。熱河二十人。

盛京一百三十人。吉林一百二十二人。黑龍江二百三十八人。游牧察哈爾一百十有四人。青州府十有六人。綏遠城三十二人。右衛五十二人。開封府十人。江寧府五十六人。福州府十有八人。杭州府三十二人。乍浦十有六人。荊州府五十六人。西安府五十六人。寧夏府二十四人。涼州府二十四人。莊浪十有二人。巴里坤二十四



人。成都府二十四人。廣州府十有八人。從四品。  
○防禦。昌平州。良鄉縣。寶坻縣。固安縣。東安縣。  
霸州。雄縣。采育里各二人。保定府四人。鄭家莊  
六人。張家口三人。古北口。獨石口。千家店各二  
人。天津府三十二人。滄州四人。山海關八人。永  
平府。順義縣。三河縣。玉田縣。冷口。喜峯口各二  
人。羅文峪一人。熱河二十人。

盛京百有三人。吉林七十五人。黑龍江二十四人。  
青州府十有六人。德州四人。太原府四人。綏遠  
城三十二人。右衛五十二人。開封府十人。江寧

府五十六人。京口四十人。福州府十人。杭州府  
四十人。乍浦八人。荊州府五十六人。西安府九  
十六人。寧夏府二十四人。涼州府二十四人。莊  
浪十有二人。巴里坤二十四人。成都府二十四  
人。廣州府三十四人。從五品。○步軍尉。寧夏二  
人。涼州府四人。莊浪二人。從五品。○驍騎校。昌  
平州。良鄉縣。寶坻縣。固安縣。東安縣。霸州。雄縣。  
采育里各一人。保定府四人。鄭家莊。張家口各  
六人。古北口四人。獨石口二人。千家店一人。天  
津府三十二人。滄州四人。山海關八人。順義縣



一人。永平府。三河縣。玉田縣。各二人。冷口三人。喜峯口四人。羅文峪二人。熱河二十人。游牧察哈爾八旗一百十有四人。

盛京二百六人。吉林一百二十四人。黑龍江二百三十七人。青州府十有六人。德州四人。太原府四人。綏遠城三十二人。右衛五十二人。開封府十人。江寧府五十六人。京口四十人。福州府二十二人。杭州府五十二人。乍浦十有六人。荊州府五十六人。西安府九十六人。寧夏府二十四人。涼州府二十四人。莊浪十有二人。巴里坤二

十四人。成都府二十四人。廣州府三十八人。從五品。○護軍校。黑龍江二人。游牧察哈爾八旗一百十有一人。從六品。○捕盜官。游牧察哈爾八旗各二人。從六品。○管水手官。吉林。四品二人。五品二人。黑龍江。四品五人。五品三人。六品五人。

凡直省武職提督直隸一人。兩江一人。閩浙三人。湖廣一人。陝甘三人。四川一人。兩廣二人。雲貴各一人。從一品。○總兵官。直隸五人。山東。山西。河南各二人。兩江。七人。閩浙十有三人。湖廣



四人。陝廿七人。四川四人。兩廣九人。雲貴十有  
 三人。正二品。○副將。直隸九人。山東四人。河標  
 一人。山西二人。兩江八人。江寧將軍標二人。河  
 標二人。漕標一人。閩浙十有九人。福州將軍標  
 一人。湖廣十有三人。陝廿十有八人。四川五六  
 兩廣二十二。廣州將軍標一人。雲貴十有三  
 人。從二品。○參將。京營三人。直隸八人。山東九  
 人。山西十有六人。河南五人。兩江十有七人。河  
 標二人。漕標一人。閩浙二十人。湖廣十有三  
 人。陝廿二十一人。四川八人。兩廣十有九人。雲貴

二十人。正三品。○游擊。京營三人。直隸二十三  
 人。山東七人。河標二人。山西八人。河南三人。兩  
 江三十人。江寧將軍標三人。河標三人。漕標四  
 人。閩浙六十一人。福州將軍標一人。湖廣三十  
 二人。陝廿七十人。四川二十二。兩廣四十四  
 人。廣州將軍標三人。雲貴五十五人。從三品。○  
 都司。直隸六十一人。山東十有二人。河標二人。  
 山西二十七人。河南六人。兩江四十六人。江寧  
 將軍標二人。河標三人。漕標五人。閩浙四十二  
 人。福州將軍標一人。湖廣二十一人。陝廿八十



二人。四川三十一人。兩廣五十一人。廣州將軍標一人。雲貴三十六人。正四品。○營守備。京營十有九人。直隸六十八人。河標一人。山東二十一人。河標六人。山西二十八人。河南十有七人。兩江七十人。江寧將軍標三人。河標二十四人。漕標六人。閩浙一百二十人。福州將軍標一人。湖廣六十人。陝甘十有七人。四川四十三人。兩廣百有十人。廣州將軍標三人。雲貴百有六人。正五品。○衛守備。直隸一人。山東四人。江南十有九人。江西三人。浙江七人。湖廣十人。甘肅六人。四川二人。從五品。○守禦所千總。山東一人。江西八人。浙江五人。湖廣一人。甘肅一人。四川四人。從五品。○衛千總。直隸四人。山東四十一人。江南一百二十八人。江西十有七人。浙江三十七人。湖廣十有二人。甘肅五人。貴州九人。從六品。○門千總。

京城內外門三十二人。從六品。○營千總。京營十有五人。直隸一百三十八人。河標八人。倉場二人。山東四十七人。河標十有二人。山西六十三人。河南二十九人。兩江一百三十六人。江寧將



軍標九人河標二十六人漕標十有二人閩浙  
二百五十人福州將軍標四人湖廣一百三十  
六人陝甘一百九十三人四川百有四人兩廣  
二百三十七人廣州將軍標八人雲貴二百三  
十人從六品。○把總京營三十人直隸二百七  
有八人河標十有五人倉場二人山東百人河  
標十有九人山西一百三十四人河南六十八  
兩江二百八十五人江寧將軍標十有七人河  
標五十人漕標二十五人閩浙五百有五人福  
州將軍標八人湖廣二百七十五人陝甘四百

三十五人四川二百有三人兩廣四百五十五  
人廣州將軍標十有六人雲貴四百六十九人  
正七品。

